

OYSTER PERPETUAL DATEJUST



ROLEX



MICHELSSEN
ÚRSMÍÐIR SÍÐAN 1909
Laugavegur 15 - 101 Reykjavík
511 1900 - www.sviss.is

MARKAÐURINN

Miðvikudagur 6. mars 2013 | 5. tölublað | 9. árgangur

Sími: 512 5000 | [visir](http://www.visir.is) www.visir.is

VIÐ **ELSKUM**
UMHVERFIÐ!



Guðjón Ó
VISTVÆNA PRENTSMÍÐJAN



Alþjóðlegur gagnagrunnur kvenna í stjórnunum opnaður

Næstkomandi föstudag, sem er alþjóðadagur kvenna, verður alþjóðlegur gagnagrunnur stjórnarkvenna formlega opnaður. Gagnagrunnurinn, sem heitir á ensku Global Ready Women, er keyrður í samstarfi við LinkedIn. Íslenskar konur munu geta skráð sig í gagnagrunninn hjá Félaga kvenna í atvinnulífinu (FKA), en um 500 þúsund fyrirtæki og stofnanir alls staðar í heiminum munu hafa aðgang að upplýsingum sem þar er að finna.

Í fréttatilkynningu frá FKA segir að tilgangur gagnagrunnsins sé annars vegar að auðvelda fyrirtækjum að finna konur sem eru fúsar og hæfar til stjórnarsetu. Hins vegar á hann að gera þeim konum sem vilja koma sjálfum sér og þekkingu sinni á framfæri vettvang til að gera slíkt. „Íslenskar stjórnarkonur horfa nú í mun meiri mæli til stjórnarsetu í erlendum fyrirtækjum enda leitast nú æ fleiri alþjóðleg félög við að jafna hlutföll kynja í stjórnunum sínum og sækjast eftir sérfræðipekkingu og ferskri sýn stjórnarmanna óháð þjóðerni,“ segir enn fremur í tilkynningunni. Lög um jöfnun kynjahlutfalla í stjórnunum stórra íslenskra fyrirtækja munu taka gildi 1. september næstkomandi.

- þsj

Seðlabankastjóri hyggst ráða sér aðstoðarmann á næstunni

Seðlabankinn hefur auglýst laust starf aðstoðarmanns seðlabankastjóra. Um er að ræða nýtt starf í skipuriti bankans en að sögn Stefáns Jóhanns Stefánssonar, ritstjóra Seðlabankans, hefur bankanum verið heimilt að ráða í starfið um hríð en ekki nýtt heimildina fyrr en nú.

Meðal verkefna sem aðstoðarmaðurinn mun taka að sér má nefna aðstoð við undirbúning á ritun ræða, greina, erinda og annars efnis, samskipti við aðila sem koma til fundar við seðlabankastjóra og skipulagning þátttöku hans í ráðstefnum og fundum.

Gerðar eru þær hæfniskröfur til umsækjenda að þeir hafi háskólamenntun sem nýtist í starfi, þekkingu á hagfræðilegum hugtökum, mjög góða íslensku- og enskukunnáttu auk þess sem geta til að skrifa á dönsku, norsku eða sænsku er talinn kostur. Umsóknarfrestur er til 17. mars næstkomandi.

- mþl

ÓLJÓRAR EÐA LANGSÓTTAR TILLÖGUR

→ Allir flokkar vilja lækka skuldir ríkissjóðs

→ Fáar ályktanir samþykktar á landsfundum um niðurskurð en margar um útgjöld


→ Landsfundarmarkmið Sjálfstæðisflokksins kalla á mikinn niðurskurð ríkisútgjalda

SÍÐUR 4-5

Magnað tilboðsverð

á Dell tölvum

Hagkvæm og áreiðanleg Dell Optiplex 3010 borðtölva er vinnustöð fyrir hvaða skrifstofu sem er.
Verð áður: 179.090 kr.
Verð nú: 109.990 kr.



Öflugur vinnuhestur á góðu verði Dell Latitude E5430 fartölva er með styrkta umgjörð og hentar því vel fólki á ferðinni.
Verð áður: 266.090 kr.
Verð nú: 169.990 kr.



Endingargóð fyrir kröfuharða Dell Latitude E6430 fartölva er með styrkta umgjörð og hágæða 9 cellu rafhlöðu.
Verð áður: 319.990 kr.
Verð nú: 204.990 kr.

Nánari upplýsingar má finna á www.advania.is/tilbod, í síma 440 9010 eða í tölvupósti á sala@advania.is




Fróðleiksmolinn DataMarket

Eru tímaritin að deyja?

Því hefur stundum verið spáð að hin prentaða útgáfa muni smám saman líða undir lok eftir því sem hlutur hinna rafrænu miðla eykst. En hefur það verið tilfellið? Svo vill til að Hagstofan hefur frá árinu 1975 haldið utan um fjölda útgefna tímarita á Íslandi. Nýjustu tölur frá árinu 2010.


Sé lítið til útgáfu íslenskra viku-, hálfmánaðar- og mánaðarblaða má raunar sjá að fjöldi útgefna títtla hefur haldist nokkuð stöðugur frá síðari hluta 9. áratugar seinustu aldar. Útgáfan virðist því ekki vera að dala.



Útgefin tímarit á Íslandi:

En hvaða blöð eru þetta? Ef við skoðum til dæmis vikublöðin kemur á daginn að stærsti hluti þeirra eru svokölluð landshluta- og staðarblöð, en vikublöð á landsvísu hafa raunar aldrei verið mörg hér á landi. Landshlutablöðin virðast hins vegar enn standa fyrir sínu.

Vikublöð eftir útbreiðslu



Heimild: Hagstofa Íslands

Dagatal viðskiptalífsins keldan dagatal viðskiptalífsins

Miðvikudagur 6. mars

- Fasteignamarkaðurinn í mánuðinum eftir landshl.
- Vöruskipti við útlönd feb. 2013 bráðabirgðat.
- Gísínætur og gestakomur á hótélum í jan. 2013
- Aðalfundur Samtaka Atvinnulífsins
- Aðalfundur Marel

Fimmtudagur 7. mars

- Útskrifaðir nemendur úr framhalds- og háskólum 2010-11

Föstudagur 8. mars

- Landsframleiðsla 2012
- Vísitala launa á 4. ársfj. 2012
- Útboð ríkisbréfa
- Íslenski fjárfstýringardagurinn

Þriðjudagur 12. mars

- Fjöldi þinglýstra leigusamninga um íbúðahúsnæði Eftir landshl.
- Fjármál hins opinbera 2012
- Efnahagslegar skammtímatölur í mars 2013

Miðvikudagur 13. mars

- Útboð ríkisvixla
- Skattskil einstaklinga- fundur VÍB um skattskil
- Aðalfundur Icelandair Group

Fimmtudagur 14. mars

- Vísitala launakostnaðar á 4. ársfj. 2012

Föstudagur 15. mars

- Vísitala lífeyrisskuldbindinga í febrúar 2013
- Greiðsluþjófnumarvísitala í apríl 2013
- Vísitala kaupmáttar launa í febrúar 2013
- Mánaðarleg launavísitala í febrúar 2013
- Útboð Ríkisbréfa

Mánudagur 18. mars

- Samræmd vísitala neysluverðs í febrúar 2013

Þriðjudagur 19. mars

- Vísitala íbúðaverðs á höfuðborgarsvæðinu
- Velta skv. Virðisaukaskattskýrslum jan. til des. 2012
- Miðvikudagur 20. mars
- Upplýsingar um leiguverð íbúðarhúsnæðis
- Vísitala byggingarkostnaðar fyrir apríl 2013
- Verðmæti sjávarafra jan. til des. 2012
- Vaxtaákvörðunardagur Sí

Allar markaðsupplýsingar eru aðgengilegar á vísir

Burlington selur fyrir 56 milljarða

Stærsti kröfuhafi Glitnis hefur selt kröfur fyrir tugmilljarða. Annar vogunarsjóður, Silver Point, hefur bætt við sig kröfum upp á 37,3 milljarða króna. Ekki miklar breytingar hjá Kaupþingi.

KRÖFUHAFAR
Þóroddur Snær Júlíusson | thoroddur@frettabladid.is

Burlington Loan Management, stærsti einstaki kröfuhafi Glitnis, hefur selt kröfur fyrir 56 milljarða króna frá því í lok nóvember. Það eru rúmlega 30 prósent þeirra krafna sem sjóðurinn átti. Burlington er írskt skúffufélag sem er fjármagnað og stýrt af bandaríska sjóðsstýringarfyrtækinu Davidson Kempner. Burlington er einnig á meðal stærstu kröfuhafa Kaupþings, á kröfur á Straum, er á meðal stærstu eigenda Klakka (áður Exista) og á stóran hlut í Bakkavör. Félagið hefur því verið einn umsvifamesti leikandinn á hinum íslenska hrun-eftirmarkaði. Kröfur á föllnu íslensku bankanna hafa allt að nífaldað í verði frá því í lok árs 2008.

Þann 20. nóvember síðastliðinn átti Burlington samþykktar kröfur á Glitni fyrir 190,7 milljarða króna. Það gerði félagið að langstærsta einstaka eiganda krafna á protabú bankans með 8,5 prósent af samþykktum kröfum. Samkvæmt yfirliti yfir stærstu kröfuhafa Glitnis í byrjun mars, sem Markaðurinn hefur undir höndum, á Burlington nú 134,5 milljarða króna af kröfum á Glitni, eða 5,92 prósent. Félagið er enn stærsti kröfuhafi bankans en litlu munar á því og þeim sem kemur næstur. Samkvæmt heimildum



EIGENDUR Bæði Glitni og Kaupþing hafa lagt fram nauðasamninga sem biða samþykkis Seðlabanka Íslands. Verði þeir samþykktir munu kröfuhafar bankanna tveggja eignast þá að fullu. Stærstu íslensku eignir þeirra eru Íslandsbanki og Arion banki. FRETATABLADIÐ/VILHELM

Markaðarins er ástæða þess að kröfuuþphæðin hefur dregist svona mikið saman sú að Burlington hefur selt gríðarlega mikið af kröfum, enda voru enginn ágreiningur um kröfur sjóðsins. Vogunarsjóðurinn Silver Point Luxembourg Platform hefur á sama tímabili aukið kröfur sínar um 37,3 milljarða króna, eða um tæp 40 prósent. Alls á sjóðurinn nú kröfur á Glitni fyrir 130,6 milljarða króna og er orðinn næststærsti kröfuhafi bankans. Þá vekur athygli að enn einn vogunarsjóðurinn, Owl Creek Investments, hefur minnkað stöðu sína um meira en helming. Kröfufjárhæð hans fer úr 69,4 milljörðum króna í 33 milljarða króna. Heimildir Markaðarins herma að ekki hafi verið jafn miklar breytingar á kröfuhafahópi Kaupþings

BURLINGTON LOAN MANAGEMENT

190,7 milljarðar er upphæð þeirra krafna sem félagið átti 20. nóvember 2012.

134,5 milljarðar er upphæð þeirra krafna sem það á í dag.

5,92% er hlutfall samþykktra krafna á Glitni sem Burlington á.

109 milljarðar er umfang krafna Burlington á Kaupþing.

á undanförunum mánuðum. Þar hafi hluti stærstu kröfuhafanna bætt við sig en aðrir minnkað. Viðmælendur Markaðarins segja að svo virðist vera sem stórir kröfuhafar sem voru með stórar kröfur á báða bankana séu að taka ákvörðun um að einbeita sér meira að öðrum hvorum.

Barnaheill
Save the Children á Íslandi

Vissir þú að...
holl og góð fæða studlar að líkamlegu heilbrigði sem börn eiga retta

SAGA CLASS
Úrvalspægindi, gott rými og fyrsta flokks þjónusta.

ER ÞITT FYRIRTÆKI MEÐ SAMNING?

Fyrirtæki sem eru með samning við Icelandair njóta þess í hagkvæmari rekstri, betri tímanýtingu og ánægðara starfsfólki.

Hlunnindi sem fyrirtækjasamningur veitir:

- Sérstakur ferðaráðgjafi hefur umsjón með hverju fyrirtæki.
- Neyðarnúmer sem er opið allan sólarhringinn – alla daga ársins.
- Afsláttur sem býðst af fargjöldum til áfangastaða Icelandair.
- Nákvæmt viðskiptayfirlit á vefnum.

+ Allar nánari upplýsingar á www.icelandair.is/fyrirtaeki eða sendið fyrirspurnir á fyrirtaeki@icelandair.is





Við bjóðum fyrirtækjum sérþekkingu

Okkar vinna snýst um að þín vinna gangi vel. Við leggjum okkur fram um að setja okkur vel inn í það sem þú ert að gera, og þó við kunnum kannski ekki viðfangsefnin í þínu starfi jafn vel og þú, þá vitum við um hvað starfið snýst.

Hjá Íslandsbanka starfar hópur fólks sem býr að mikilli reynslu á sviði orku og hefur víðtæka sérþekkingu á fjárhagsumhverfi og þörfum fyrirtækja í orkugeiranum. Þannig getum við ávallt tryggt þeim þá bankaþjónustu sem þau þarfnast.

Þekking sprettur af áhuga.

Hjörtur Þór Steindórsson hefur margra ára reynslu á sviði orkumála, bæði innanlands og erlendis.

Hjörtur er viðskiptastjóri Orkuteymis Íslandsbanka.

Við bjóðum
góða þjónustu

islandsbanki.is | Sími 440 4000


Íslandsbanki

Íslandsbanki vill betri kjör í útgáfu

Arion var fyrstur til að gefa út erlend skuldabréf síðan 2007. Íslandsbanki ætlar ekki að gefa út á sömu kjörum.

FJÁRMÁLAMARKAÐUR

Þóroddur Snær Júlíusson | thordur@frettabladid.is

Íslandsbanki mun ekki ráðast í útgáfu skuldabréfa erlendis á sömu kjörum og Arion banki. Þetta segir Jón Guðni Ómarsson, framkvæmdastjóri fjármálasviðs bankans. Arion banki seldi skuldabréf fyrir 500 milljónir norskra króna, um 11,2 milljarða íslenskra króna, í þarsíðustu viku. Um var að ræða fyrstu erlendu skuldabréfaútgáfu íslensks fjármálafyrirtækis síðan 2007. Vextir bréfanna eru fljótandi fimm prósent ofan á NIBOR og lokagjaldsdagi útgáfunnar er árið 2016. Í dag eru þeir því rúmlega sjö prósent.

Höskuldur Ólafsson, bankastjóri Arion banka, segir ólíklegt að hægt verði að lána það fé sem fæst með útgáfunni út með ágóða. Hún sé hins vegar viðmiðunarútgáfa

(e. benchmark) og sendi út skýr skilaboð.

Jón Guðni segist fagna útgáfu Arion banka. Með því væri ákveðinn ís brotinn fyrir íslensk fjármálafyrirtæki. Hann segir klárt að Íslandsbanki sé að horfa til erlendra útgáfu. Bankinn ætli sér hins vegar frekar að gefa út á Evrópumarkaði en á Norðurlöndunum. Það geti tekið þrjú til níu mánuði að klára slíka útgáfu eftir að ákvörðun um hana liggur fyrir, en Íslandsbanki hefur notið ráðgjafar UBS bankans vegna hennar.

Í svari Landsbankans við fyrirspurn Markaðarins kemur fram að Landsbankinn sé með langtímafjármögnun í erlendum gjaldmiðlum. Hann muni því að óbreyttu ekki leita að erlendra endurfjármögnun fyrr en á árinu 2015 og muni „að sjálfsögðu skoða hvort hagkvæmt sé að ráðast í slíka endurfjármögnun fyrr“.



HORFA ANNAD Íslandsbanki ætlar að reyna að gefa út erlend skuldabréf á Evrópumarkaði, ekki Norðurlandamarkaði. Björn Einarsdóttir er bankastjóri Íslandsbanka og Jón Guðni Ómarsson er framkvæmdastjóri fjármálasviðs hans.

Gengismál og samþykki Seðlabanka flækti sölu:

HS Orka borgar 150 milljónir króna í arð

Orkufyrirtækið HS Orka hagnaðist um 5,5 milljarða króna á síðasta ári. Það var mikill viðsnúningur frá árinu áður þegar fyrirtækið tapaði 937 milljónum króna. Heildarhagnaðurinn er að mestu tilkominn vegna þess að orkuver HS Orku voru endurmetin í lok síðasta árs. Það endurmat hækkaði virði um 6,1 milljarð króna. Auk þess var hagnaður af reglulegri starfsemi um 600 milljónir króna. Mismunurinn skýrist af skattgreiðslum.

Vegna þessa lagði stjórn HS Orku til að eigendum fyrirtækisins yrði greiddur út 150 milljóna króna arður vegna frammistöðu síðasta árs. Eigendur HS Orku eru tveir. Annars vegar á Magma Energy Sweden, dótturfélag í eigu Alterra Power, 66,6 prósent eignarhlut. Hins vegar á Jarðvarmi, samlagsfélag í eigu nokkurra lífeyrissjóða, 33,4 prósent hlut.

Hópur innlendra fjárfesta gerði



Eigandi Ross Beaty stýrir Alterra Power og Ásgeir Margeirsson er stjórnarformaður HS Orku.

tilboð í hlut Alterra í fyrirasumar. Markaðurinn greindi frá því í janúar síðastliðnum að þeim viðræðum væri lokið og að kaupin yrðu ekki að veruleika. Fimm dögum eftir þá frétt tilkynnti Alterra, sem er skráð í kauphöllina í Toronto, að viðræðurnar hefðu flækst vegna gengismála og vegna þess að þær hefðu krafist samþykkis frá Seðlabanka Íslands. Alterra hefur ekki staðfest opinberlega að þeim sé lokið. - þsj

17,3 milljarða skuld vegna öfugra samruna

Endurgreiðslur í ríkissjóð vegna skuldsettra yfirtakna munu hlaupa á tugum milljarða. Enn á eftir að endurleggja á stór félög og því viðbúið að talan hækki. Háar upphæðir mögulega fyrndar.

SKATTAMÁL

Þóroddur Snær Júlíusson | thordur@frettabladid.is

Endurálagning vegna gjaldþreyinga sem embætti ríkisskattstjóra (RSK) sendi út í lok síðasta árs nam 7,5 milljörðum króna. Á árinu 2011 nam hún 5,9 milljörðum króna og 3,8 milljörðum króna árið 2010. Því er ljóst að endurálagningin gæti skilað 17,3 milljörðum króna í ríkiskassann á þremur árum ef allir sem verða fyrir henni geta greitt.

Endurálagningin er, meðal annars, vegna svokallaðra öfugra samruna við skuldsettar yfirtökur. Hæstiréttur staðfesti síðastliðinn fimmtudag dóm Héraðsdóms Reykjavíkur varðandi öfugan samruna við kaup á Toyota-umboðinu í byrjun árs 2006. Samkvæmt dómnum þarf Toyota að greiða 93 milljónir króna í ógreidda skatta. Dómurinn hefur skýrt fordæmisgildi að mati Skúla Eggerts Þórðarsonar ríkisskattstjóra. Hann segir enn fremur að beðið hafi verið með að ljúka fjölda mála þar til niðurstaða fengist í Toyota-málið. Unnið verður að því að loka þeim á þessu ári. Sum þeirra eru mjög stór.

Á meðal þeirra eru Skipti, móðurfélag Símans. Þegar Síminn var seldur til Skipta frá ríkinu fyrir 66,7 milljarða króna haustið 2005 tók félagið sambankalán fyrir kaupunum. Í desember sama ár var Skiptum, Símanum og Íslenska sjónvarpsfélaginu (sem átti og rak Skjá einn) rennt saman í eitt félag með öllum eignum og skuldum. Í mars 2007 var félaginu síðan skipt upp í eitt móðurfélag, sem hét Skipti, og þrjú dótturfélög.

Í uppgjörum Skipta hefur vaxtakostnaður vegna yfirtökulansins verið talinn frádráttarbær frá hagnaði og þar með lækkað skattgreiðslur félagsins umtalsvert. Þetta taldi RSK ekki heimilt. Fréttablaðið greindi frá því í janúar 2012 að áætlað hefði verið að Skipti hafi skuldað á bilinu 800 til 1,8 milljarða króna í ógreidda skatta vegna þessa. Ástæða þess að ekki var um fasta tölu að ræða er að túlkun á meðhöndlun á gengistapi og -hagnaði



FORDÆMI Athafnamaðurinn Magnús Kristinnson keypti Toyota-umboðið í byrjun árs 2006. Í kjölfarið sameinaðist félag Magnúsar Toyota og skuldir vegna kaupanna urðu skuldir rekstrarfélagsins. Fjármagnskostnaður var síðan dreginn frá skatti. Hæstiréttur hefur dæmt að það hafi ekki mátt og gert Toyota að endurgreiða 93 milljónir króna.

YFIRFÆRANLEGT TAP LÆKKAÐ UM 50 MILLJARÐA

Til viðbótar við gjaldþreyingarnar sem lagðar hafa verið á félög þá hefur ríkisskattstjóri lækkað yfirfæranlegt tap sem þau ætluðu að nýta sér til skattafrádráttar. Á árinu 2011 var það lækkað um 46,7 milljarða króna. Í fyrra bættust 2,8 milljarðar króna við. Alls hefur yfirfæranlega tapið því verið fært niður um tæpa 50 milljarða króna á tveimur árum.

Ástæða þess að upphæðin var jafn há og raun ber vitni árið 2011 er að fjölmörg félög sem fóru illa út úr bankahruninu, en hafa síðan verið fjárhagslega endurskipulögð og verið haldið lifandi þrátt fyrir að bera ekkert nema tap, hafi ætlað að nýta það til frádráttar. Því hefur ríkisskattstjóri hafnað.

getur skipt máli fyrir endanlega niðurstöðu.

Skiptum barst ekki tilkynning um endurákvörðun fyrir síðustu áramót og því gæti hluti hinna vangoldnu skatta félagsins, vegna ársins 2006, verið fyrndur. Fjármagnsgjöld samstæðunnar á því ári voru samtals 8,9 milljarðar króna. Þau gerðu það að verkum að tap félagsins var 3,6 milljarðar króna þrátt fyrir að rekstrarhagnaður hafi verið 4,5 milljarðar króna.

Annað félag sem fékk háa endurálagningu á sig vegna öfugs samruna var Húsasmiðjan. Alls var endurálagningin á það 677 milljónir króna vegna rekstraráranna 2005-2009. Skuldin var skilin eftir, ásamt eignum til að mæta henni, á gömlu kennitölu Húsasmiðjunnar þegar rekstur hennar var fluttur yfir á nýja og í kjölfarið seldur dönsku byggingavörudejgunni Bygma.

Dómur Hæstaréttar er einnig talin munu hafa mikil áhrif innan sjávarútvegsgeirans. Á árum áður voru mörg fyrirtæki sem áttu kvóta keypt með skuldsettri yfirtöku og útgerðin sjálf hefur síðan verið látin greiða fjármagnskostnaðinn af kaupunum. Hann hefur síðan verið dreginn frá skatti. Skúli Eggert vill ekki tjá sig um hversu háar upphæðir það eru sem enn á eftir að leggja á félög. „Það skiptir ekki máli hversu háar tölur þetta verða heldur að þetta sé einfaldlega rétt.“

Hann telur þó að stærsti hluti upphæðanna sem hafa verið endurálagðar muni skila sér í ríkiskassann. Það sé þó tollstjórans að innheimta. „Stærsti hlutinn er á lifandi fyrirtæki og einstaklinga. Ég reikna með því að stærsti hluti þessara upphæða skili sér í ríkiskassann. Það er ekki verið að leggja á í neinu magni á dauð félög.“

NESCAFÉ
Alegría

Hvernig kaffi vilt þú?

Americano Espresso Lungo Cappuccino Latte Macchiato

Kaupauki!

1ks af Jolly Cola (24 dósir)

þú getur valið um að fá 1 ks (24 dósir) af Jolly gosi eða 6 glær, falleg kaffiglös í kaupauka þegar þú kaupir Nescafé Alegría kaffivél.

Rekstrarvörur
- vinna með þér

Réttarhálsi 2 • 110 Reykjavík
Sími: 520 6666 • Fax: 520 6665
sala@rv.is • www.rv.is

Stjórnmalaflokkarnir hafa fleiri hugmyndir um ný útgjöld en niðurskurð

Stóru íslensku stjórnmalaflokkarnir eru sammála um að lykilatriði sé að lækka skuldir ríkissjóðs á næsta kjörtímabili. Til að svo megi verða er ljóst að ríkisreksturinn verður áfram aðhaldssamur en landsfundarályktanir flokkanna vísa fæstar í þá átt.

FRÉTTASKÝRING/EFNAHAGSMÁL

magnusl@frettabladid.is

Íslendingar munu ganga að kjörborðinu eftir rúmar sjö vikur og kjósa þing til næstu fjögurra ára. Síðustu þingkosningar fóru fram í skugga bankahrunsins og má segja að helsta verkefni kjörtímabilsins hafi verið að leysa þau bráðavandamál í íslensku efnahagslífi sem hrúðið annað hvort afhjúpaði eða bjó til.

Að því sögðu er flestum ljóst að enn eru stór og aðkallandi vandamál í íslensku efnahagslífi óleyst og það er næsta þings að glíma við þau. Þá hefur heldur hægst á efnahagsbatanum síðustu misseri.

Hinir stóru stjórnmalaflokkar landsins hafa á síðustu vikum haldið landsfundi og samþykkt ályktanir um hvert stefna beri í efnahagsmálum. Markaðurinn skoðaði þessar tillögur og fjallar í dag um tillögur þeirra í skatta- og útgjaldamálum.

MJÖG METNAÐARFULLT MARKMIÐ SJÁLFSTÆÐISFLOKKS

Í landsfundarályktunum Samfylkingar, Framsóknarflokks og Vinstri grænna er kveðið á um að lækka þurfi skuldir ríkissjóðs. Sömu skilaboð er að finna í fyrstu ályktun stjórnar Bjartrar framtíðar.

Sjálfstæðisflokkurinn tekur hins vegar öllu dýpra í árinna. Í landsfundarályktun flokksins um fjárlagamál er nefnilega sett fram það markmið að hreinar skuldir ríkisins lækki að krónutölu á hverju ári þar til hrein staða ríkissjóðs er orðin jákvæð aftur.

Samkvæmt væntingakönnun Seðlabankans sem gerð er meðal markaðsaðila er búist við því að verðbólga verði að meðaltali 4,35% á næstu fimm árum. Sé gert ráð fyrir að skuldir ríkissjóðs hækki með verðlagi og að hagvöxtur verði 3% (sem er bjartsýn spá) mun afgangur á fjárlögum sem hlutfall af landsframleiðslu þurfa að vera 3,87% á næsta ári til að skuldir hækki ekki að krónutölu milli ára. Það jafngildir 63 milljörðum króna miðað við landsframleiðslu ársins 2011.

Standi til að lækka skatta eins Sjálfstæðisflokkurinn hefur boðað er því ljóst að skera þarf niður ríkisútgjöld verulega strax fyrsta ár komandi kjörtímabils eigi þetta markmið flokksins að nást. Þar sem aðrir flokkar hafa ekki kynnt markmið sem þetta var hægt að bera markmið þeirra saman.

SKÝR MUNUR Í SKATTAMÁLUM

En hvernig vilja flokkarnir fara að því að greiða niður skuldir. Lítum fyrst á tillögur þeirra í skattamálum.



FLOKKSFORMENN Í STJÓRNARRÁÐINU Ljóst er að næstu ríkisstjórnar munu biða aðkallandi verkefni í efnahagsmálum.

FRÉTTABLAÐIÐ/GVA

DÝRAR NIÐURFÆRSLUR SKULDA Í KORTUNUM

Einn þáttur til viðbótar gæti haft veruleg áhrif á stöðu ríkissjóðs. Stóru stjórnmalaflokkarnir stefna allir nema Björt framtíð að því að koma til móts við skuldsett heimili þessa lands.

Framsóknarflokkurinn hefur hvatt til þess að verðtryggð húsnæðislán heimilanna verði leiðrétt og hafa forystumenn flokksins lagt mikla áherslu á þetta stefnumál flokksins.

Í landsfundarályktun Sjálfstæðisflokksins kemur fram að grípa þurfi til markvissra aðgerða til að bregðast við greiðslu- og skuldavanda heimilanna með almennum aðgerðum.

Þá vill Samfylkingin vinna áfram að því að greiða úr skuldavanda heimilanna og Vinstri grænir telja að koma þurfi til móts við þá einstaklinga og þau fyrirtæki

sem lakast standa vegna afleiðinga hrunsins.

Þótt leggja megi ýmsan skilning í þessi stefnuorð flokkanna er ljóst að almennar aðgerðir til lækunar verðtryggðra skulda heimilanna gætu reynst ríkissjóði mjög dýrar. Þannig komst Seðlabankinn að þeirri niðurstöðu í greiningu sem hann framkvæmdi í apríl í fyrra að 20 prósent almenn skuldaniðurfærsla myndi kosta 261 milljarð króna. Þar sem stór hluti verðtryggðra skulda er í eigu Íbúðalánasjóðs og Landsbankans, en báðar stofnanir eru í eigu ríkisins, myndi sá kostnaður að stórum hluta falla á ríkissjóð.

Yrði skuldaniðurfelling framkvæmd með lögum gæti hið opinbera þar að auki bakað sér skaðabótaábyrgð gagnvart þeim eigendum skulda sem lagasetningin hefði áhrif á.

VIÐ FRUMSÝNUM NÝJAN FORD
TRANSIT CUSTOM
BACKBONE OF BUSINESS

Sendibíll ársins 2013
Ford Transit Custom
Komdu í kaffi og spjall. Í sameiningu finnum við hagstæða fyrirtækjalausn fyrir þig.

FORD TRANSIT
CUSTOM

VERÐ ÁN VSK FRÁ
3.577.689 KR.

VERÐ MEÐ VSK FRÁ
4.490.000 KR.



Brimborg Reykjavík
Bíldshöfða 6
Sími 515 7000

Brimborg Akureyri
Tryggvabraut 5
Sími 515 7050

ford.is

Nýir og notaðir bílar: Söluveildir eru opnar alla virka daga kl. 9-17 og laugardaga kl. 12-16
Aukin þjónusta Bíldshöfða 6: Varahlutaverslun og verkstæðismóttaka er einnig opin laugardaga kl. 12-16

Ford Transit Custom 2,2TDCI dísil, 100 hð, beinskiptur 6 gíra. Eldsneytisnotkun í blöndudum akstri 6,7 l/100 km. Losun koltvísýrings CO₂ 178 g/km. Tökum allar tegundir bíla upp í nýja. Brimborg og Ford áskilja sér rétt til að breyta verði og búnaði án fyrirvara. Útbúnaður og gerð getur verið frábrugðin mynd í auglýsingu.



SITJANDI ÞING Á FÖRUM Nýtt þing mun taka við af því sem nú situr að loknum kosningum í apríl.

FRÉTTABLAÐIÐ/ANTON

► Sé fyrst litið á Sjálfstæðisflokkinn er stefna hans skýr. Hann vill lækka skatta á komandi kjörtímabili og einfalda skattkerfið. Í landsfundarályktun flokksins um fjárlagamál er raunar settur fram listi fyrir skatta sem flokkurinn vill lækka á komandi kjörtímabili en þeir eru: tekjuskattur einstaklinga sem jafnframt verði í einu þrepi, fjármagnstekjuskattur, tekjuskattur fyrirtækja, tryggingagjald, virðisaukaskattur sem jafnframt verði í einu þrepi, auðlindagjald, tollar og vörugjald, eldsneytisgjald, erfðafjárskattur og áfengisgjald.

Þá vill flokkurinn afnema eignarskatta, stimpilgjöld, gistináttagjald, kolefnisgjald á eldsneyti, raforkuskatt og bifreiðagjald. Loks vill flokkurinn hækka persónuafslátt.

Til að setja þessa hluti í eitt hvað samhengi má nefna að samantlagt er áætlað að bara eignarskattar og bifreiðagjald skili 22,3 milljörðum króna í ríkiskassann á þessu ári.

Framsóknarflokkurinn virðist einnig stefna að lækku skatta á komandi kjörtímabili því í landsfundarályktun flokksins segir að alltof langt hafi verið gengið í hækku skatta á kjörtímabilinu.

Vill flokkurinn að skattkerfið verði einfaldað, dregið verði úr neikvæðum jafnlagnum og að persónuafsláttur verði hækkaður til fyrra horfs að raungildi. Þá er sterklega gefið í skyn í landsfundarályktun að flokkurinn hyggist lækka tekjuskatt fyrirtækja sem flokkurinn telur geta aukið skatttekjur.

Í landsfundarályktunum ríkisstjórnarflokka er aftur á móti litið að finna um skattalækkanir þótt Samfylkingin gefi að vísu í skyn í ályktun að lækka eigi tryggingargjald.

Samfylkingin telur þar að auki nauðsynlegt að endurskoða frá grunni tekjustofna ríkisins þegar

„erfiðleikar þeir sem ríkisstjórnin tók í arf eru að baki“. Þá lítur flokkurinn til þess að hækka auðlindanýtingar- og umhverfisskatta með það fyrir augum að bæta rekstrarstöðu ríkissjóðs.

Vinstri grænir leggja í ályktun áherslu á að áfram eigi að byggja á þrepaskiptu skattkerfi. Þá vilja Vinstri grænir eins og Samfylkingin horfa til þess að setja auðlindagjald á þá sem nýta orkuauðlindir landsins og eða menga.

Þar að auki vilja Vinstri grænir beita skattaávilnunum til að hvetja sjávarútvegsfyrirtæki til að reyna nýja endurnýjanlega orkugjafa og lækka virðisaukaskatt á umhverfisvottuðum vörum.

Loks segir eftirfarandi í landsfundarályktun um efnahagsstjórn sem erfitt er að henda reiður á hvað þýðir nákvæmlega en virðist benda til skattahækkana: „Meginatriðið í því að létta undir með heimilunum er að afla til þess tekna með umtalsverðum breytingum á skattkerfinu bæði því sem snýr að einstaklingum og fyrirtækjum.“

Í fyrstu ályktun stjórnar Bjartrar framtíðar er litið fjallað um skatta. Kemur þar það eitt fram að rekstri lítilla og með-

alstórra fyrirtækja verði gert hærra undir höfði með einfaldara regluverki, skattaumgjörð og hvort sem efla rekstur þeirra. Þá verði skatta- og tollakerfið einfalt, réttlátt og skiljanlegt.

FÁAR HUGMYNDIR UM NIÐURSKURÐ

Ljóst er að hyggist stjórnsmálaflokkarnir standa við markmið sín um lækku skulda ríkisins á komandi kjörtímabili verður lítið svigrúm til önnur ríkisútgjalda án þess að önnur séu skorin niður á móti. Hvað þá ef einnig verður ráðist í umfangsmiklar skattalækkanir eins og Sjálfstæðisflokkurinn leggur til.

Athyglisvert er í því ljósi að fáar hugmyndir um beinan niðurskurð ríkisútgjalda er að finna í landsfundarályktunum stjórnsmálaflokka. Þar er hins vegar nóg af hugmyndum um ný ríkisútgjöld.

Í ályktun Sjálfstæðisflokksins um fjárlagamál kemur að vísu fram að ekki standi rök til þess að útgjöld til ákveðinna málaflokka séu meiri á Íslandi en í nágrennalöndunum. Þar með er gefið í skyn í samburði í þessum kafla að draga þurfi til framtíðar úr ríkis-

framlögum til æðstu stjórnslu, efnahags- og atvinnuáhrifa, húsnæðis-, skipulags- og veitumála, heilbrigðismála, menningar-, íþróttar- og trúmála og menntamála án þess að það sé skýrt frekar.

Þá leggur flokkurinn til að útgjöld ríkisins til utanríkismála verði sérstaklega skorin niður og hvetur til þess að nemendur taki þátt í fjármögnun háskóla sem þurfi að auka.

Af öðru sem flokkurinn leggur til má nefna „áherslu á breytta forgangsörðun varðandi fjárveitingar til endurskipulagningar og uppbyggingar á heilbrigðisferfinu í þágu sjúklinga og með bættu starfsumhverfi og kjörum heilbrigðisstétta“. Þá vill flokkurinn niðurgreiðslu tannlæknaþjónustu og lækku húshitunarkostnaðar þar sem hann er mestur. Loks vill hann auka framlög til löggæslumála.

Samfylkingin er óljós í sínum hugmyndum um þróun útgjalda ríkisins en samkvæmt landsfundarályktunum flokksins á að bæta þjónustu og stuðning við hina ýmsa hópa og kima samfélagsins.

Flokkurinn er þó skýr með það að hann vill aukið fram-

lög til þróunarmála, gjaldfrjálsar tannlækningar, aukin framlög til háskóla, hærri námslán og hærri frítekjumark námsmanna auk hækkuðar fæðingarorlofsgreiðsla.

Framsóknarflokkurinn virðist stefna að lækku ríkisútgjalda. Í landsfundarályktunum sínum hvetur flokkurinn til þess að hafin verði vinna við endurskipulagningu ríkisútgjalda með það að markmiði að lækka raunkostnað við rekstur ríkisins. Þó þannig að vörður verði staðinn um grunnþætti velferðar og menntakerfisins auk löggæslu.

Ályktanir flokksins eru þó ekki allar í sömu átt. Þannig átelur flokkurinn mjög fjársveldi lögreglumanna og hvetur til fjárfestingar í vegakerfinu. Flokkurinn hvetur til þess að heilbrigðisþjónusta verði eflað og að tannlækningar verði gjaldfrjálsar.

Vinstri grænir boða aukin ríkisútgjöld í landsfundarályktunum sínum. Til að mynda talar flokkurinn fyrir því að fjárveitingar til heilbrigðiskerfisins verði auknar og dregið úr kostnaðarhlutdeild almennings, þá verði tannlækningar færðar inn í kerfið.

Flokkurinn vill einnig gjaldfrjálsan leikskóla, hærri lágmarkslaun og styttri vinnuviku, og aukin framlög til þróunarsamvinnu.

Erfitt er að lesa mikið út úr stjórnarályktun Bjartrar framtíðar og stefnu flokksins í útgjaldamálum. Þar segir þó: „ríkisrekstur sé ekki umfangsmikill en markviss og miði fyrst og fremst að því að tryggja góðan grunn og svigrúm að skapandi framtaki einstaklinga og samtaka þeirra.“

Flokkurinn virðist þó til að mynda hlynntur öflugri ríkisreknu heilbrigðis- og sjúkratryggingakerfi og mikilli þjónustu við börn og unglings þannig að vart verða greindar frjálshyggjuáherslur í stefnu hans.

HAGVÖXTURINN MIKILVÆGUR LÍKA

Skuldir ríkissjóðs eru nú metnar um 1.670 milljarðar króna sem jafngildir um 91,4% af landsframleiðslu. Fyrir vikið eru vaxtagjöld áætluð 14,5% af útgjöldum ríkisins á þessu ári, stærri hluti en framlög til allra ráðuneyta utan velferðarráðuneytisins.

Skuldaförnun síðustu ára hefur hins vegar að því er virðist stöðvast því samkvæmt fjárlagafrumvarpi ársins 2013 verður ríkissjóður rekinn með halla sem nemur einungis 0,2% af landsframleiðslu á þessu ári.

Í orði kveðnu eru stjórnsmálaflokkarnir sammála um mikilvægi þess að hefja niðurgreiðslu skulda á næsta kjörtímabili.

Sá mælikvarði sem yfirleitt er notaður á skuldir ríkisins eru skuldir sem hlutfall af landsframleiðslu. Eins og áður sagði eru þær nú metnar sem 91,4%.

Til að lækka þetta hlutfall eru í tvær leiðir færar. Í

fyrsta lagi lækkar það þegar hagkerfið vex. Sé hagvöxtur 3% á ákveðnu ári en skuldir hækka um 2% þá lækkar hlutfallið sem muninum nemur. Hóflgur halli á fjárlögum getur því farið saman með lækku hlutfallslegra skulda. Í öðru lagi lækkar hlutfallið þegar skuldir eru beinlínis greiddar niður. Sé ríkissjóður rekinn með afgangi er hægt að nota þá peninga sem út af standa til að greiða niður skuldarnar.

Þegar tillögur stjórnsmálaflokka eru fjárlagamálum eru metnar er því nauðsynlegt að líta til hvors tveggja tillagna þeirra um skatta og gjöld en eins tillagnanna þeirra um hvornig ná megi fram hagvexti. Mun auðveldara er hins vegar að ná utan um fyrri hlutinn en þann seinni. Verður því ekki gerð tilraun til þess að meta hagvaxtarhugmyndir flokka hér en lesendur mega þó hafa þessa staðreynd í huga.

EFTIRSÓTT VARA Á EKKI AÐ ÞURFA STÆRRA LAGERPLÁSS.

ÞAÐ TEKUR ENGA STUND AÐ FÁ MEIRA MED FLUGFRAKT.

Sumar vörur eru einfaldlega vinsælli en aðrar. Þegar þær hverfa hratt úr hillunum er gott að vita af því að ný sending með Icelandair Cargo getur borist til þín á allt frá aðeins einum sólarhring.

Á hverjum einasta degi þjónum við hjá Icelandair Cargo íslenskum inn- og útflytjendum til og frá Evrópu, Norður-Ameríku og Asíu.

Því tíminn flýgur

ICELANDAIR
CARGO 

BANKAHÓLFÍÐ



Hulda
Bjarnadóttir

Vá WOW

Hvern viljum við fá til liðs við okkur eða hvern þurfum við að fá til liðs við okkur? Ég get ímyndað mér að þessi spurning hafi verið borin upp á stjórnarfundum WOW fyrir nokkrum vikum. Það er nefnilega himinn og haf á milli þessara tveggja nálgana í stjórnun og ráðningum. Og eitt leiddi af öðru. Á dögnum auglýsti WOW eftir stjórnarkonu og óhætt að fullyrða að það hafi vakið mikla athygli enda fátítt að óskað sé eftir umsækjanda af öðru hvoru kyninu í auglýsingum hérlandis. Hins vegar er þetta talin áhrifarík leið til að finna hæfustu einstaklingana því fleiri koma til greina en þeir sem eru í tengslaneti eigenda eða stjórnenda.

Ný hugsun

Nú vill svo til að lög um kynjaskvóta taka gildi í september og því eðlilegt að auglýst hafi verið eftir konu að þessu sinni. En vonandi verður auglýsingaleiðin notuð í meiri mæli í framtíðinni því oft er stjórnarseturáðning afgreidd með nokkuð skjótum og þægilegum hætti þar sem maður þekkir mann sem þekkir mann sem þekkir mann. Kona þekkir líka konu sem þekkir konu sem þekkir konu. Það er enginn heilagur af því að sækja ekki „sína líka“ eða þá sem hafa orðið á vegi manns um ævina. En nú er komið tækifæri til að hugsa hlutina upp á nýtt.

Íslenskar konur í erlendum stjórnunum

Á ráðstefnunni Virkjum karla og konur árið 2011 hvatti Liv Bergþórsdóttir fyrirtæki til að fara auglýsingaleiðina við val á stjórnarmönnum. Liv er í dag stjórnarformaður Wow og framkvæmdastjóri NOVA. Sjálf hafði hún góða reynslu af því að fá tækifæri hjá norska fjarskiptafyrirtækinu Telio í gegnum Boreas Capital sem þá auglýsti eftir konu utan Noregs. Auglýsingaleiðin er nefnilega ein leið til að finna hæfustu konurnar. Önnur leið er að leita í gagnagrunna sem m.a. Félag kvenna í atvinnulífínu heldur úti og fæst aðgangur án kostnaðar. Einnig er hægt að leita í alþjóðlega gagnagrunna sem verið er að byggja upp. Á Alþjóðadegi kvenna þann 8. mars verður til að mynda opnaður einn sem ber heitið Global Board Ready Women. Íslenskar stjórnkonur eru þar á meðal.

Slagorðið stendur

Sjálfri þótti mér auglýsing Wow til marks um að þau ætli sér að standa við eigið slagorð: „Það er WOW í öllu sem við gerum!“ Öguð vinnubrögð sem þessi og þá um leið aukið gagnsæi í ráðningum munu án efa skila Wow framúrskarandi hæfum einstaklingi til starfana og vonandi verður þetta til eftirbreytni hjá fleiri fyrirtækjum sem nú þurfa að bregðast við ætli þau sér að fylgja leiðbeiningum um góða stjórnarhætti.

ÍSLENSKI FJÁRSTÝRINGARDAGURINN

RÁÐSTEFNA UM FJÁRMÁL FYRIRTÆKJA



Föstudaginn 8. mars

í Háskólanum í Reykjavík

Kynntu þér nýjungar og bættu tengslanetið.

Áhættu- og fjárstýring fyrirtækja er flókin og oft vanmetin. Alltaf er hægt að gera betur. Hvernig má bæta fjárstýringu fyrirtækis þíns?

Skráning á:
fjarsturingardagurinn.is



IFS og HR standa að ráðstefnunni

Dagskrá

Design Failures of the Eurozone: Can they be fixed?

Paul De Grauwe, prófessor í alþjóðahagfræði við LSE.

Hvað er efst á baugi við fjárstýringu alþjóðlegs fyrirtækis?

Guðjón Guðafsson, yfirmaður fjárstýringar hjá Actavis.

Rekstraröryggi fjárstýringar

Ólafur Briem, forstöðumaður áhættustýringar hjá Icelandair.

ACT (Samtök fjármálastjóra í Bretlandi)

– Kynning og mögulegt samstarf

Peter Matza, Engagement Director hjá ACT í Bretlandi.

Áhættustýring í höftum – Hvað geta fyrirtæki gert?

Kristín Erla Jóhannsdóttir, sérfræðingur í gjalddeyris- og afleiðumiðlun Arion banka.

Áhrif hafta á fjárstýringu Orkuveitunnar

Ingvar Stefánsson, framkvæmdastjóri fjármála hjá Orkuveitu Reykjavíkur.

Fjármögnun fyrirtækja í höftum

Hilmar Pétur Valgarðsson, framkvæmdastjóri fjármála hjá Eimskip.

Skuldabréfafjármögnun fyrirtækja

Benedikt Gíslason, framkvæmdastjóri hjá MP banka.

Höft á fjármagnsflutninga:

Ástæður, losun og framtíðarfyrirkomulag

Már Guðmundsson, seðlabankastjóri.

Horfur 2013–2015: Skipst á skoðunum og spurningar í sal

Pállborð: Fulltrúar frá greiningaraðilum og atvinnulífi.

Styrktaraðilar:



Nánari upplýsingar:
fjarsturingardagurinn.is

DEH-1500UB



4x50 W MOSFET magnari • Útvarp með 24 stöðva minni • Spilar MP3, WMA, WAV, CD-R/RW • AUX og USB tengi á framhlið • Hægt að tengja við fjárstýringu í stýri • EQ, Tónstillir fyrir bassa, mið- og hátóna.
Verð: 19.900,- kr.

DEH-3400UB



4x50W Mosfet magnari • Útvarp með 24 Stöva minni (FM, AM) • Spilar: CD-R/RW, MP3, WMA, WAV, USB • iPod í gegnum USB (snúra fylgir ekki) (CA-IW.51) • AUX og USB inngangar að framan • Texti á skjá: Multi-Colour (getur valið lit) • Takkar: Multi-Colour (getur valið lit).
Verð: 28.900,- kr. // **TILBOÐSVERÐ: 22.900,- kr.**

DEH-6400BT



4x50 Mosfet magnari • Útvarp m. 24 stöðva minni • Spilar: CD, MP3, WMA WAV • USB að aftan og Aux-in að framan • Hleður og spilar af iPod • Multi-Colour skjár og takkar • Bluetooth – Hægt að streyma tónlist þráðlaust frá öðrum tækjum.
Verð: 44.900,- kr. // **TILBOÐSVERÐ: 34.900,- kr.**

Pioneer
HLJÓM TÆKI

HEIMSKLASSA
HLJÓMFLUTNINGUR

ORMSSON

LÁGMÚLA 8 · REYKJAVÍK · SÍMI 530 2800
VERSLANIR UM LAND ALLT
www.ormsson.is